

REGIONAL NEWS

AIZAWL AQI

Mizoram Pollution Control Board (MPCB) khawlin a teh danin January ni 2 chhun dar 12:00 vel khan Aizawl Air Quality Index (AQI) chu 80 a ni a, hei hi halpuah hal runpui aṅanga darkar 36 hnu a ni.

MPCB-in boruak hrisel dan a enfiagna khawlpui ber Aizawl Sikulpuikawna 'real time data' hmuh theihna chu Central lamah khawl a chian loh avangin kumhlui thlah zana zanlai data an hre thei lova, pawl an tih thu an sawi. A tuk January ni 2 chhun dar 12:00 vel khan Aizawl AQI chu 80 a nih thu erawh an hre thei ta a. Halpuah hal hma ni December ni 31 tlai dar 4:00-ah khan AQI chu 38 a ni a, heta ṅanga a lan danin AQI hi a let 2 chuang hret (za zela 210)-in a pung a ni. Data aṅanga a lan danin boruaka bawlhhlawh sin te bik, particulate matter 2.5 micron, (PM2.5) hi Aizawl khawpuiah a pung chho nasa hle niin an sawi. December thla bikah hian kum 2024 ah PM2.5 hi chawhrualin $19 \mu\text{g}/\text{m}^3$ chauh a nih laiin kum 2025 ah chuan $38 \mu\text{g}/\text{m}^3$ a kai chho tawh a, a letin a pung tihna ni an ti.

MPCB hotute chuan PM2.5 hi chuapa lut awlsam, paih chhuah leh theih si lo a tang ta tlat thin a nih avangin a pawl zual niin an sawi a. Kumtluana boruak dinhmun thlirin Aizawl khawlpui boruak hi a kum telin a letin a bawlhhlawh tial tial a ni tih a tilang a ni, an ti a. Boruak tibawlhhlawh thei thil hal lo tura mimal, pawl leh sawrkar pawhin tan lak deuh deuh a pawimawh thu leh mihring hriselna chu thupui bera neih theuh ni se a duhawm an tih thu an sawi bawk.

<><><>

NATURE

Champhai Nature Conservancy (CNC) hruaitu te chuan Adviser to CM (Finance & Planing) Pu TBC Lalvenchhunga chu Champhai District tih hmasawna tura thil pawimawh te an sawi pui.

Nimin tlai khan Champhaia cham mek Pu TBC Lalvenchhunga hi CNC hruaitute hian an hmu a, Adviser to CM chuan Mizoram Sawrkarin Champhai District hmasawna tura ruahmanna a siam te leh kum hnih kalta chhunga ZPM kaihhruai Sawrkarin hmasawna hna a thawh mek leh thawh zawh tawhte a lo hrilh a. Khuarel mawina humhim tura CNC in mahni in sengso a hma a lak dan te chu fakawm a tih thu lo hrilhin, an hmalakna te thahnemngai taka chhunzawm zel turin a lo fuih a, CNC bul tuma Hnabsin Kut an huaihawt thin chu Mizoram sawrkara Tourism department-in Calendar a siamah telh a nih thute ,Champhai khawlpui zauhna turin kawngpui thar, Ring Road, SASCI hnuaiah cheng vaibelchhe 20 senna tur leh National Highway No 6 atanga Champhai khawlpui luhna kawngpui cheng vaibelchhe 12, SASCI sum hmanga sial mek a nih thute, khualzin te hip tura Sawrkar hmalak leh hmachhawp te a lo hrilhfiah bawk a ni.

<><><>

FIRST SUNDAY SCHOOL

Wawiin hi kum 2026 chhunga Pathianni hmasa ber a ni a, kohhran hrang hrangah Sande sikul hming ziah leh pawl siamrem hun atan an hman.

Krismas leh kum thar lawm a nih hnua, nimin atang khan Mizo mipui-in khawsak phung pangngai an zawh tan leh tawh a, nimin kha Inrinni a nih avangin sorkar pisa erawh an la kai lova. Naktuk hi kum thara sorkar pisa

kai tan hun a ni a. Nilaini khian sikul an lut leh tan baw ang. Vawiinah hian Mizoram kohhran hrang hrangah Sande sikul hming ziah ni a nih avangin biak-in tinah ni dang aiin inkhawm an thahnem a. Sande Sikul pawl siam rem ni atan an hmang hlawm baw . Aizawla Baptist Kohhran thenkhat erawh chuan Sande sikul hming ziah leh pawl siamrem hi kar leh Pathianni-ah an ti dawn thung ni a thu dawn a ni.

<><><>

PRAYER DAY

Evangelical Church of Maraland (ECM) kohhran tan nimin kha ni pawimawh tak 'Ram tana tawngtaina Ni" a ni a, ECM kohhran chuan he Ni hi urhsun takin an hmang.

ECM Hqrs atangin Ram tana tawngtaina thupui tur Point 22 siam sa hmangin ECM tualchhung kohhran hrang hrangte chuan tawngtaina hun hmangin ram mipui tan, Kohhran hruaitute tan, roreltute, Sorkar hnathawk te thalai leh zirlai te, hna zawng mekte, sumdawng te, kut hnathawktute, lirthei khalhtu, rel leh thlawhna zinmite tan, damdawi-in leh home hrang hrang tan te, thalai ruihhlo a tang mek leh a zuartute tan bakah tul dang te hmangin tawngtaina hi buatsaih a ni. ECM kohhran chuan ram tana tawngtaina ni hi kumtin January ni 3-ah an hmang thin a ni.

Ram tana tawngtai neih rualin Pathian fak leh chawimawina hun nilenga hmanzui a ni a, kumthar lawmna ruai kohhran tam takin nawnin hlim takin an theh hlawm baw a ni.

<><><>